

五經同卷

兵八

佛說四無所畏經

一切如來說佛頂輪王一百八名讚

增慧陀羅尼經

聖六字增壽大明陀羅尼經

佛說大乘戒經

佛說四無所畏經

西天譯經三藏朝獻大天誦滿羅佛傳法師尾尾護奉 詔譯

如是我聞一時佛在舍衛國祇樹給孤獨園
尔時世尊告諸苾芻汝等諦聽如來應正等
覺成就四無所畏於大眾中轉大法輪如師
子吼自在無畏時諸苾芻聞是語已五體投

地頂禮佛足合掌白言云何如來四無所畏
佛告苾芻我於往昔在大眾中而作是言如
來成就正等正覺如是說時沙門婆羅門魔
梵天人俱發言曰此所宣說非依法教未曾
見聞有如是事
尔時世尊於彼眾中無驚無怖心得安樂住

無所畏

又復告言我身清淨諸漏已盡如是說時沙
門婆羅門魔梵天人俱發言曰此所宣說非
依法教未曾見聞有如是事

尔時世尊於彼眾中無驚無怖心得安樂住
無所畏

復次告言二障雜染能障道果此障若滅聖
道自現如是說時沙門婆羅門魔梵天人俱
發言曰此所宣說非依法教未曾見聞有如
是事

尔時世尊於彼眾中無驚無怖心得安樂住
無所畏

復次告言修戒定等能出生死盡諸苦報如
是說時沙門婆羅門魔梵天人俱發言曰此
所宣說非依法教未曾見聞有如是事
尔時世尊於彼眾中無驚無怖心得安樂住
無所畏佛告苾芻是名如來轉大法輪四無
所畏復次苾芻亦於八大眾中具足成就四

無所畏云何為八昔於一處有無數百沙門
眾或住或立或行或坐互相言曰往昔佛說
如是法相甚深難解未曾見聞為是為非為
虛為實

尔時如來聞彼言已心無怯懼身無毛豎自
在無畏如山不動復次無數百婆羅門眾無

共

五至同

二

數百刹帝利眾無數百居士眾無數百四天
王眾無數百忉利天眾無數百魔王眾無數
百梵天眾如是八眾或住或立或行或坐互
相言曰往昔佛說如是法相甚深難解未曾
見聞為是為非為虛為實

尔時如來聞彼言已心無怯懼身無毛豎自
在無畏如山不動

佛言苾芻是名八部大眾之中得無所畏即

說頌曰

如來自在轉法輪
天人魔梵及沙門
身心不動得無畏

昔能成就四無畏
聞師章句懷猶豫
利樂一切諸有情

令發無上菩提心 恭敬修行到彼岸
尔時諸苾芻聞佛所說信受奉行

佛說四無所畏經

佛說一切如來頂輪王一百八名讚

三藏傳法大師施護奉 詔譯

尔時一切如來說無量功德大明呪主轉輪
王一百八名即說讚曰

歸命最上師 一切世間主 恒懷大慈悲

顯揚大名稱 十力大丈夫 福德超三界

具足一切相 天人常恭敬 攝受諸眾生

共

五至同

三

與作大福聚 復名大自在 一切佛頂王

轉一切呪輪 成就正法句 聖智善通達

一切悉解脫 恒為大主宰 出過一切天

為大禪定像 平等視眾生 具足無邊智

無實無不實 無一亦無二 號曰大僊天

世所甚希有 本來寂滅相 清淨而無垢